

do Thir-mo-ghraidh.

O'n tha mi'm thàmh romh fhada am thèmh,
 Gun cuir mi aird air fonn,
 Gu seinn mi dan do thir-mo-graidh,
 An tir mu'n gair an tonn,
 An tir chuir trath lan smior nam chnaimh,
 'S chuir gaol 'us gradh am chom,
 Bhi diugh aig cuan measg teas 'us fuachd,
 Ged 's beag mo dhuais gach àm.

A dhol a chàineadh tir an aigh
 Cha tlachd do'n bhard tha ann,
 Ged 's lionmhor uair a bhios mo smuain,
 Gun thoill i 'n duais aig àm
 Le mhead 's chuir cùl gun deur air suil,
 'S ad'fhalbh gu duthaich ghall,
 'S tha diugh gun bhàigh gum smuain a mhàin,
 Do'n tir tha 'n gradh air chall.

3. 'S tric bhios m'intinn dol air sgrìob,
 Do'n tir rinn m' arach òg
 Far 'n d-thuair mi pailteas teachd-an-tir,
 Neo-riomhach mar bu chòr
 Gus 'n robh mi aois dhol mach do'n t-saoghal,
 A chosneadh saod air lòn
 'S tha diugh mi truagh cha'n fhaigh mi cuairt,
 Do'n Eilean uaine 's boidhch'.

4. Ach bhruadair mi gle mhoch an de,
 Mu'n d-thig mo rèis gu crìoch,
 Gum bi e 'n comas dhomh leam chèill
 Bhi comhnidh an Tir-idh',
 'S gun caith sinn ann air tim le cheill'
 Gu tlachdmhor reidh an sìth
 Gus d-thig oirnn teachdaire an Eug
 'S an fheum sinn dol do'n chill.

5. Nis soirruidh slan leat thir no ghraidh,
 Cha deannainn aird gu leoir,
 A chuir air t-àgh do'n mhuinntir the
 Feum tamh am measg nan Gall,
 Gach bliadhn' theid mìos' a leaghas sgìos
 'N ad bhroilleach c'ion neo-leam
 'S ni tilleadh uaid lán neart 'us smùais,
 Ath-nuadhaichte, lán deo.